

Ielnum abbatem compellavit, suæque legationis inuncto officio, ad Romanæ sedis apostolicam auctoritatem, multis onustum xenis direxit. Confecto itaque itinere, abbas Guillelmus Romam pervenit, et piæ memoriae papæ Benedicto, adventus sui rationem, et mittentis ducis voluntatem aperuit, et factæ chartæ confirmationem, et apostolici privilegii auctoritatem, magnæ humilitatis oratione congrua postulavit. Papa igitur Benedictus, ducis diligentiam admirans et suscepti amici presentiæ summa excellentiam, privilegia postulata confirmavit, et voluntarius tradidit, et Fiscannensem Sanctæ Trinitatis ecclesiam ab omni episcoporum jugo, subjectione et consuetudine liberans et eripiens, sub solius Romanæ Ecclesiæ gubernatione et patrocinio constituit et suscepit. Constituit, inquam, Fiscannensem soli Romanæ Ecclesiæ subjacere, atque ab omni aliarum Ecclesiarum potestate immunem et absolvit et omnino liberam, forma Cluniaeensis monasterii permanente. Acceptis igitur apostolice auctoritatis exquisitis privilegiis, beatæ memoriae Guillelmus abbas festino cursu Northmanniam remeavit, et ducis Richardi desiderio suæ voluntatis effe-

A ctum, injunctæque legationis officium feliciter consummatum, enucleavit et ostendit. Unde dux inabiliter exhilaratus, uno et uni Deo gratias iouis intensionis fervore reddidit; qui ecclesiam, quam Richardus pater fundaverat atque ipse patris Richardi rogatu et jussione compleverat ac ordinaret, divinæ providentiae arcane consilio, tantum personarum convenientia, ab omnium hominum iugis et prælatione absolvebat et liberabat. Magnis deinde xitiis suum dilectissimum abbatem Guillelmum honoravit, honoratumque Sanctæ Trinitatis ecclesie Fiscannensis remisit: iterum atque iterum enim exorans, quatenus commissæ ecclesiæ, juxta caput ordinis religionem, custodiret, et custodiendo perficeret ac confirmaret. Cujus sanctas preces sacerdotum precum nimias humilitates, beatus abbas, velut oracula Dei suscipiens, Fiscannum intravit, et per multorum annorum vertiginem, usque ad dictum Hierosolymitæ Roberti Fiscannensem ecclesiam rexit, subjectosque suos verbo et exemplo succedit et reformat ad imaginem et similitudinem, bonorem et gloriam Dei omnipotentis, qui vivit et regnat per omnia saecula saeculorum. Amen.

LIBELLUS SUPPLEX MONACHORUM ARULENSIUM

Ad Patres in concilio apud S. Tiberium anno 1050 congregatos, adversus bonorum monasterii invasores.

(MANSI, Concil. xix, 793.)

Orthodoxis Patribus omnigena vene a'one d'gnis, quos sancta ex diversis aggregavit fides partibus, quoque rectit in dilectione fraternitatis vinculum geminæ charitatis, pontificibus videlicet, quibus collata est cura ecclesiarum Dei, grec tantillus almae Dei Genitricis Mariæ cœnobii Arulas hanc querimoniam clementiæ vestre dirigit paginam, in qua sunt adnotata prædia quæ se causatur ab injustis et prævis hominibus per vim seu per donationes illicias, seu sub prætextu cuiuslibet fraudulentæ, a suo jure distracta. Nam noscat almitas vestra præfatum cœnobium noviter ædificari cœptum pro tantorum amissione prædiorum, non est posse nostrum illud ad perfectum usque perducere, necessaria deßiiente quæ sustentationi competunt fragilitas humanæ. Idcirco prædictus tam variis casibus fatigatus, Dei omnipotens supplex vestramque omnium deposcit clementiam, ut ob amorem ejusdem gloriosæ genitricis auctoritate pontificali feriantur a vobis vinculo justæ damnationis, et excommunicationis quoque retinuerint prædicta prædia prædictæ Virginis. Haec sunt vero nomina prædiorum et militum ea possidentium. In primis aludem S. Mariæ, quem habet in comitatu Berchitano, id est in Marola cum ipsa ecclesia, et in Avisano tenet mulier Reinaldi qui fuit quondam cum filio suo. Reinaldus Arnaldi

aludem de Orlarios, Gausbertus ipsum de Pide et de Ursiniano, Guillelmus Oliba ipsum de Cornedo, Guillelmus Johannis tenet S. Mariam de Passar, et ipsas vineas de Clusa. Willelmus Dalesi ipsum aludem de Maras, et de campo Eldrici, et de Tressera, et de villa Molacha, et ipsum de Keiana, Bernardus Olivæ aludem de Rutmors, et de Castellone et de Rodas, Aicardus Odonis aludem de Rabdos, Bernardus Adalberti ecclesiam de Chasanori, Arnaldus Johannis aludem de Elsinas, Seniorensis Mironis aludem de Terradas, et in Pines medium mansum, Deusdefranc mansum unum in Terrodas, Segarus Berardi ipsos mansos et ipsos alodes de Terradas, et in Cirasia mansos tres, et ipsos mansum alode de Ortos, et ipsos mansos cum alode et villa Rubeo, et ipsos de Vilaro castellano, et ipsum aludem de Costa et ipsum de Felgus, et de Valdella, et de Campo Sambuce. Seguinus tenet in Albiniano inter mansos et bordas septem, et ipsum decimum de Rabugadas cum medium mansum, et multa alia nobis auferit. Udalgerius vicecomes tenet totum alodium de Alleles.

Synodus anathema pronuntiat adversus invasores monasterii

Cum sancta cogeret nos fides ex diversis in numeris congregari partibus, sanctam celebraturi synodum

Ilibus Julii apud beatum Thiberium, cum religiosorum multitudine abbatum, et honestissimorum virorum utriusque sexus, etatis vel ordinis; oblata est querimoniae pagina oculis nostris ex monachis aliis Marise Virgiis coenobio Arulis, simul cum prænotata prædia quæ sibi ab injustis tolluntur hominibus: pro qua amissione rerum compulsi adire præsentiam nostram, suffragium expetentes nostrum: quod illis negare non est nostri ordinis, nec rectum, cum in periculis subvenire debcamus, et in necessitate constitutis ferre justitiam. Ob hoc igitur nos humiles Jesu Christi pontifices advertentes tantam tamque inauditam servorum Dei querimoniam, instinctu ejusdem provocamur ad compescendum eam juxta posse nostrum ad decreta canonum. Idcirco ego. Wifredus aliæ primæ Narbonæ metropolitanus confirmo. † Ugo episcopus Uzetiensis. † Arnallus episcopus Magalonensis. † Berengarius episcopus Bierrensis. † Bernardus episcopus Lutoviensis. † Gontarius episcopus Agatensis. † Berengarius episcopus Elnensis. Illi qui fuerunt ad subversionem de Malo, de S. Maria, de Riarde, Roland videlicet et alli qui consensi fuerunt, cum legatis ceterorum coepiscoporum nostrorum et cum abbatibus religiosis ex diversis ordinibus Gothie ac Spaniae, nolentes exorbitare a regulis SS. Patrum, accensi flamma Spiritus sancti, percutimus eos, qui in supra scripta culpa atque negligentia sunt aut erunt irretiti, secundum quod in culpa sunt aut erunt implicati, per gladium Patris, et Filii, et Spiritus sancti, et per anathematizationem omnium quæ sunt, fuerunt et erunt fidelium Dei, nisi ad veram poenitentiam venerint, et secundum posse illorum emendaverint, sint extorres a liminibus sanctæ Dei Ecclesie, in anathematizatione sint omnes superius nominati, omnesque maledictiones Veteris et Novi Testamenti super eorum capita multiplicamus. Maledicti sint in civitate, maledicti in agro, maledicta horrea eorum et cellaria eorum, maledicti cibi eorum et reliquiae ipsorum, maledicta sint inferiora ventris eorum et fructus terræ ipsorum, armenta et greges ipsorum: ma-

ledicti ingredientes et egredientes. Mittat super eos Dominus famem et pestilentiam et increpationem in omnia opera eorum quæ faciunt, donec conterat eos et perdat velociter propter adinventiones eorum pessimas, in quibus relinquunt Dominum. Adducatur Dominus super illos pestilentiam donec delect eos de terra quam possident. Percutiat eos egestate et lebri et frigore, ardore et astu, et aere corruptio, ac rubigine; et persecutur eos donec pereant. Tradat illos Dominus coruentes coram inimicis suis. Sint cadavera illorum volatilibus in escam et bestiis terræ, et non sit qui abigat. Sint percussi cæcitatem, et amentia ac furore inentis; et palpant in meridie sicut palpari solet cæcus in tenebris: et non dirigantur gressus eorum. Maledicta sint capita eorum per septem portas, id est per nares, et aures, et oculos, et per buccam eorum. Maledictum sit cerebrum eorum, capilli, humeri, brachia, manus, dorsi, frons, cilia, linguae, dentes, gulae, pectus, dorsum, cor, venter, umbilicus, interiora, exteriora, et posteriora, vitalia, inguines, coccæ, geniculi, tibiæ, tali, pedes, plantæ, articuli, venæ, juncturæ, viscera, ossa, medulla. Hæc omnia prænominata illorum maledicta sint nisi resipuerint, et ad veram poenitentiam venerint. Et hæc regula maledictionis atque anathematizationis servetur, et permaneat in omnibus primatum ecclesiis. Quicunque igitur cum prænominalis hominibus locuti fuerint scienter, nisi emendare eos hortati fuerint, aut cum eis manducaverint, biberint, dormierint, in aliquo participati fuerint, nisi resipuerint; si clerici fuerit, proprio ordine periclitabitur, si laicus aut femina, nisi paupertate aut metu deprehensus fuerit, prædicta damnatione perlendum, et anathematizandum et excommunicandum se esse perhorreat.

Acta synodus Idui Julii anno incarnati Verbi 1050, indictione III, anno XX, regnante rege Henrico in Francia, anni cycli octavi decimi VI. Scriptum per manus Olivæ † Guislibertus, gratia Dei episcopus Barcinonensis, Wifredus præsus. †

SERMO DE SANCTO MARCULFO

ABBATE NANTENSI, CONFESSORE,

(MABILL. Acta SS. Bened., Sæc. VI, p. II, p. 517, ex ms. codice coenobii S. Vincentii apud Laudunum.)

I. Venerandi Patres ac dilecti fratres, quos in domo sua Deus habitare facit unanimes, exhortationis nostræ alloquia, imo divinæ virtutis insignia beati Marculfi meritis ostensa vestrorum benigne percipient aures: Salomone testante, imo Spiritu sancto Salomonis ore loquente, didicimus quia *gloria regum celare verbum, gloria vero Dei investigare sermonem*.

⁽¹⁾ Illic locus hodie in Vulgata nostra contrario sensu sic effertur: *Gloria Dei est celare verbum, et gloria regum investigare sermonem*.

D gare sermonem (Prov. xxv, 2) (1). Quapropter, deliciissimi, vestra dilectio noverit nos investigasse quædam operum Salvatoris nostri Dei, quæ Pater ejus per naturam, noster vero per gratiam, usque modo operatur, et idem Filius operari cum Patre non desinit. Igitur fidelis ac boni testimonii viri relatu comperimus quod ad gloriam Dei san-